



周益文忠公集一百二十八 歷官表奏卷第七

淳熙十三年

賀正旦表

臣伏以三陽交泰萬宇俱春恭惟 皇帝陛下德並
照臨仁參化育受四海之籍將混一於丕圖慶八帙
之年益恢隆於至養新又新而弗息朔復朔以無窮
臣忝綴弼諧偶緣假告阻趨北闕但祝南山 臣無任
德壽宮慶壽赳赳不及劄子

臣伏值 陛下講禘世之闕典慶慈庭之萬壽凡一
命而上皆獲隨班入賀獨 臣無狀驟感腰膂之疾不

能起止阻同百獸率舞彤墀之下其為悵恨深自憐
憫謹具奏知伏乞 睿照

東宮賀正牋

舜曆誕頒方洽同文之化堯年益永載行慶壽之儀
布大喜於皇家集殊休於儲極中賀恭惟 皇太子
殿下中和性稟英粹日躋我澤如春密致重離之助
王明受福適符交泰之辰對有俶之新祺協無疆之
善頌某贊衰何補暉潤馬依宮庭莫遂於膝行毫穎
徒勤於心禱無任激切歸依之至

請假十日劄子正月三日

臣不善衛生腰痛日甚百藥俱試殊未有效欲望
聖慈給假十日庶幾一意將理獲遂痊平伏取 進
止

謝宣醫劄子

臣積為寒氣所薄有妨拜跪初誤信醫先投剛劑轉
覺腰背疼重不能仰蒙聖慈宣遣王懋診視宣通熨
烙遂獲安愈再生之恩實踰天地 臣昨日已曾奏謝
伏緣王懋連日至 臣私第取效甚遣已依例薄送藥
材之費欲望特降 睿旨令懋收受 臣無任感恩荷
聖激切皇懼之至

謝賜藥方劄子

臣早來伏蒙 聖恩矜 臣病衰教以服耳之要茲復
恭承 聖旨賜到藥方二道便當修製服食仰惟天
地之至仁曲憐草芥之微命顧雖粉骨曷報鴻私 臣
無任

辭免慶壽轉官加恩劄子

臣 準尚書省劄子節文二月八日三省同奉 聖旨
書冊文官周某轉行一官依例加恩 臣 恭承明命震
懼無地 臣聞國家爵賞之行蓋有二說非祿以詔功
則予以馭幸過是而加焉斯無名矣邇者 陛下極

事親之誠心增 太上之顯號制度裁於宸慮陟恪
勤於聖躬其在群臣固亦何預若曰國有大慶恩繇
近始實惟馭幸不必祇功其如宿衛之日已叨錫賚
禮成之後疊拜金贈茲為予也多矣更加爵秩何以
為名夫無名受賞雖踈遠之 臣猶畏譏議况乃參陪
四近繫中外之觀聽者乎伏望陛下照知忱誠愛惜
名器及制命未下間許賜寢免是固國體所繫非獨
安 臣私誼而已干冒 天威 臣 無任戰懼懇切之至
伏取 進止

不允詔

周益公文集卷之七
勅某 云云 具悉朕嘗歷觀前載博攷舊聞求其寧親
介壽祉福兼備如今日之隆自三代以還未之有焉
蓋惟皇天右序我家太上工克詔天德用申命干無
疆而二三執政之臣同寅協恭輔朕不逮兢兢翼翼
仰承闕休屬者皇筭增衍鴻名益崇寶冊揚昭登億
載鄉以西樞之長毗予大政琬琰之刻藻翰是資乃
體法端偉焜耀彌文朕甚嘉之進秩陪封庶酬美績
顧惟丕慶誼不可辭所辭宜不允

辭轉官加恩表

臣某言伏蒙 聖慈以 臣書冊文轉行一官依例加

恩尋具辭免伏奉詔書不允者慶賞驟加難於冒受
温言誕布諭以欽承心苟未安理宜自列 臣某中謝

臣竊窺國史深慕祥符詞章如陳堯叟之華問學如
王欽若之懿冠班聯於西府製壇頌於東封俱服恩
徽越升階秩既厚政塗之禮抑增儒術之光顧 臣非
才適爾充位方上聖慶 慈皇之壽即大庭陳玉冊
之儀亘古罕聞崇朝創見獲班朝而已幸叨錫命以
何居况無昔人屬思之勞敢用前日遷官之例是忘
再竇仰恩四聽伏望 皇帝陛下有赫照臨不私覆
載工稽乾道念 臣非撰述之官近比淳熙許 臣遂懇

辭之志蓋公聽並觀之在此亦小廉曲謹之當然儻
明取予之方寧被黷煩之譴臣無任

批答

省表具之皇極之福有五蓋兼壽德之全天下之樂
者三寔備父母之養永惟國慶正奉親歡申開綿遠
之期並舉雍容之典粵增華於寶冊實允賴於法書
不惟筆精墨妙而究勤於簡策之間抑亦武偃文修
而效美於謀謨之素宜頒寵數式懋賢庸閱休既軼
於前聞冲懇曷拘於近比無勞謙執亟服恩榮所辭
宜不允

辭轉官加恩第二表

臣某言伏蒙 聖慈以 臣再辭免書冊文轉行一官
依例加恩特降中賜使 臣批答不允者萬年受祐溥
推有佐之恩三命循墻虔致益恭之懇渙雷風而荐
至凜冰炭以交懷 臣某中謝 臣竊以褒涉文階增封
書社厥惟異數以漿茂勲如 臣者初乏事勞偶逢孝
治當玉卮之稱壽暨寶冊之垂鴻既不能潤色討論
上議即之奏又無以鋪張揚厲儒館之歌徒因朝野
之歡例備股肱之喜方將戒得敢復傷廉伏望 皇
帝陛下原省功疑厲精賞慶重馭 臣之大柄輕遷令

之小嫌儻容必預於邦榮姑願稍陪於租食如是則
邑辭多而受少尚希子雅之賢印趣刻而令稍彌顯
高皇之陳情已至得請為期臣無任

批答

省表具之朕惟子愛其親必務顯揚之美名賓子實
更資祓飾之文維時寶冊之書繫我鴻儒之筆簪紳
頌歎牒簡光華矧妙運於元樞寔共圖於大政克遂
寧親之養尤加輔德之勤既舉上儀盍頒茂賞諭言
已至懇避猶堅且將姑拜於爰租而復上還於文秩
雖禮遜固能於為國難靡至公若官邑均所以庇身
豈宜偏授其停奏牘毋闕寵章所辭宜不允仍斷來
章

謝表

臣某言伏奉 製命授臣正議大夫加食邑一千戶
食實封四百戶者得壽與名敷錫寧親之祉進官友
邑增褒共政之臣雖竊幸於逢辰顧何庸而授寵臣
其中謝臣聞一人有慶賴及兆民萬壽無疆德加百
姓蓋當宁懋隆於愛敬則敷天咸被於榮懷臣夙冒
殊知久聯邇列獲值堯年之永益觀舜孝之心日較
身依照臨首暨霄琅勢近潤澤先霑已超寄祿之階

更行爰田之賦周章拜命俯仰懷慙茲蓋伏遇 皇
帝陛下聖治通天仁心冠右俾爾戩穀尚不間於羣
黎猶吾股肱宜加憐於一體肆假濡毫之技茂揚出
綽之言 臣敢不深念僥踰力圖報塞德洋恩普難異
衆以獨辭意廣才踈終悉心而自竭 臣無任

謝太上 皇帝表

臣某言伏奉 製命授 臣正議大夫加食邑一千戶
食實封四百戶者睿筭穹窿播鴻名於有永皇恩浹
洽彰盛事於無窮何取駑才例叨僭賞 臣某中謝 臣
竊觀自昔知名之士常恨罕逢極治之朝縱遭遇於
休明或咨嗟於留滯而 臣生當昭代仕歷要津紹興
內禪之時綴官聯於烏府乾道推尊之日視詔草於
奎坡暨淳熙載舉於慶儀以禁直獲聞於赦令茲忝
樞機之職復容琬琰之書凡大典罔不預焉在微生
亦云榮矣賀唐南內每慙韓愈之冠簪保魯東方更
愧僖公之土宇寵光若此幸會何多茲蓋伏遇 光
堯壽聖憲天體道性仁誠德經武緯文紹業興統明
謨盛烈太上皇帝陛下道備勲華性宗黃老民以寧
壹嘗一視於華夷身其康強將齊休於天地是推惠
澤以及 臣鄰 臣謹當深念僥踰力圖報塞四方來賀

已先武士之班萬壽無疆敢後封人之祝臣無任

謝東宮牋

某言伏奉 制命授 某正議大夫加食邑一千戶食
實封四百戶者堯仁得壽載行於徽稱漢爵酬功猥
加於叢品雖切逢辰之喜實深浮食之慙某中謝竊
以萬乘而奉庭闈十年而陳冊寶繇聖主力崇於孝
治肆皇天丕佑於我家繁盛典之常行渺修齡之未
艾而某積緣幸會獲際休明參華帷幄之間染翰瓊
瑤之上已為榮遇更冒恩章階升一等之崇戶斥四
封之廣內循駑鈍難副鴻私茲蓋伏遇 皇太子殿
下性篤愛欽學該禮樂推事親之誠恪儼稱慶之威
儀俯眷舊僚胥霑澤某敢不益恭乃職思稱所蒙
朝野多娛正洽三官之樂子孫逢吉永期五福之敷
某無任

生日詔

勅某卿稟天間氣摠國元樞方璧月之臨秋緊寶賢
之降嶽稽循賜式往介壽祺今賜卿云云

謝表

臣某言伏望 聖慈以 臣生日特降中使賜 臣羊酒
米麵者勞瘁初辰仰闕 睿聽肥甘飫賜俯逮私庭

唐益公文集卷之七
恩重不貲感深無斁臣某中謝伏念臣稟生孤露逢
運休明祿以榮親乃莫諧於終養廩性稱事顧常愧
於空餐久汙近司適因載育溫厚綸言之賜光華詔
使之臨醪醴孔多餼牽有踐雖荷彌隆之眷實增弗
洎之思茲蓋伏遇

皇帝陛下恩結人心禮優士類飲食每歌於周雅割
烹殊異於湯臣施及庸才例頒寵數斯民仁壽幸未
泯於餘生既醉太平疇敢忘於美報臣無任

求祠第一劄子九月

臣庸愚不肖誤膺簡拔久司宥密宜在黜幽特以大
恩未報不敢輕易言去比聞有人揭榜平江疏歐陽
雋私鑄沙毛錢則云恃臣鄉人言郭棣過失則請臣
嘗徇其私請臣以匿名法不當問而所指之事於臣
別無迹狀遂置而不問但臣身備四近望實素輕為
人指名辱國多矣今聞郭棣繳上件榜文申尚書省
乞下有司究治事既公行理難自默欲望聖慈許臣
解罷密院職事處以外祠庶幾他日根獲寫榜文之
人不至觀望鍛鍊各得其平以示公朝不私之意伏
取進止

第二劄子

臣充負政塗閱歲滋久事功何有罪戾則多雖陛下天覆海涵未寘譴何之域而臣內循非據常履淵冰適已具述懇誠乞一在外官詞差遣歆望 聖慈即賜處分冒瀆天威 臣無任戰懼俟命之至取進止

不允詔洪邁撰

勅某 云云 具悉樞機重任理實係於安危輔佐大臣義難輕於進退卿周旋二府荏苒七年有庇民之大德而持之以謙有事君之小心而濟之以正雅望宏度已稊在庭之瞻忠言嘉謨尤高謀國之體方究觀於續用何忽冀於燕間匪我攸聞亟其反室所請宜不允

第三劄子

臣昨日疊具奏劄乞奉外祠伏蒙 聖慈遣使宣押未許其去仰銜恩糜隕莫酬心既難安理湏固請伏念 臣受才驚下百不如人而逢辰遇主徧歷華貫承明三入又踰一紀向居侍從分量已盈求閑之章頻進睿聽暨參大政滋不皇寧但以去就繫人之觀瞻不敢如前之煩黷荐更歲律乃嘗陳情未奉俞音空慙尸素旋陪籌幄益愧超遷方俟再期力申前志忽

周益之文集卷之七
蒙簡擢升正使名弗獲牢辭絕勉就職今復三年有
半矣爵位已極才力已殫在臣為當去邊鄙不聳盜
賊不作在臣為無嫌尚或不知引退乃是前後固為
背戾陛下縱加涵貸公論豈肯恕臣瀝懇願天蓋
亦晚矣伏望聖慈矜其悃款惠以初終推父母博
愛之仁佚犬馬既窮之力速頒成命安此危衷取
進止

不允詔 洪邁撰

勅集云云 吳悉朕禮遇元臣義均同體樞機周密監
其夙夜之勤輔贊彌縫遲以久長之報正爾有功之
可績詎容無故以言歸鄉忠力一心將明兩地太尉
之尊等相物望既隆三公之任承君官儀允協方此
巖廊之恭已是資帷幄之運籌符騰引去之章殊弗
仰成之意邊鄙不聳計見效以甚明旅力方剛在懷
安而未可體予申告毋或嗣陳所請宜不允不得再
有陳請

東宮賀冬至牋

雲兆三登瞻慶霄之紛郁日行上道符化國之舒長
叢瑞應於宮庭浹懽謠於海宇中賀 恭惟 皇太
子殿下英明毓質仁孝根心象著重輪助照臨於兩

曜地居蒼震贊簡易於二儀茂對陽剛備膺天祉某
密瞻玉色阻奉金觥敬逢七日之來虔致億年之祝

辭免進書減磨勘劄子

十二月

五日

同施師

留正

臣等仰惟陛下愛惜名器以勸事功近因臣僚

乞裁進書賞特軫聖慮斟酌區處內外大小咸得其

當臣等蒙恩各減四年磨勘許令回授天地之施草

木知榮但臣等昔雖備數掌故未嘗施鈔槩之勞茲

泰二府又非經進自不應叨被賞典况提舉官既許

辭避則臣等愈無冒受之理今來更不敢循例控免

仰勤詔諭輒同具奏劄懇請欲望聖慈特依所乞

庶伸體國之誼抑逃僥倖之訛干黷宸扆伏深戰

汗取進止

淳熙十四年

辭免右丞相劄子二月

臣伏覩今月十五日制書授臣光祿大夫右丞相加

食邑實封特降中使宣押赴都堂治事者輔弼之任

古今所難猥加庸愚良以震駭臣聞棟以隆而吉鼎

以中為實本末或撓安能任重剛柔中節乃可參和

伏况陛下天縱聰明日親正治洞照群臣之能否

恢宏萬世之規摹宜得真賢助調元化顧如臣者夫

豈其人徒以蚤侍軒墀久陪帷幄奉承教令苟違謹
何揆席偶虛敢期冒進今雖聖神獨運總攬權綱並
置疑丞間容充位然而政省實具瞻之地宰司非次
補之官必欲僉諧固當選衆儻謂綸言之已播輒訟
故事而懇辭若昔

仁皇登庸次輔旋因物論改使樞庭當時貼麻人以
為允伏望 陛下遠稽祖武博採公言毋以楊庭而
難反汗俾仍舊次式協前規免累聖主人之明亦伸
微臣量力之誼干犯 旒宸臣無任惶懼俟命之至
取進止

不允詔

勅某 云云 具悉若昔帝王興起治功皆疇咨相臣協
謀同道故股肱良哉著于虞典左右惟人陳于商書
今並建輔弼共圖政績次相之任顧豈虛授卿職典
元樞迄茲累歲經綸周密備宣賢勞爰正罪司益恢
遠業宜體眷意務先同寅總理萬機登于至治庶幾
乎帝皇之佐禱章來上未諭朕懷亟其祗承勿用謙
執所辭宜不允

辭免右丞相劄子

臣性質駑下一無所長誤簡 睿知冒居政治缺然

補報常員兢憂苟道譴何以為大幸敢圖選擇進貳
宰司以樗櫟之材參棟梁之任將何以仰裨 聖化
振起治功聞命以還震惶失措除以具奏辭免外適
緣連值節假未獲拜伏黼宸之惻懇祈渙汗之回謹
重以手劄控叙危衆伏乞 聖慈俯賜鑒照

東宮劄子

某庸駑下不肖父塵政地毫髮無補日俟戾及敢謂
聖恩驟有褒陟俾聯揆席自非皇太子殿下眷念舊
人曲加薦進其何以臻此然力小任重實非所安已
具奏懇免欲望令慈因侍膳之間賜半言之助冀收
渙汗安此危衷冒瀆威尊某下情無任戰栗虔祈之
至

辭右丞相表

臣某言伏蒙 聖慈以 臣舜免新授右丞相恩命特
降詔書不允者小才積累久陪廊肆之崇大號渙揚
驟實鈞衡之次恩踰始望理合終辭竊闕賜詔之溫
彌覺危衷之惕 臣某中謝聞國以弼亮為重古以疇
咨為艱立賢無方選衆而舉若伊暨傅遠求耕築之
中惟召興周近取弟兄之內自時厥後維見可觀率
因望實以推揚罕繫班聯之高下洪惟聖世迴掩前

聞肇分佐貳之官並置東西之府既熟覩其器識復
詳試以事為或揆席之偶虛繁宸旒之獨斷多由德
進間以次升上允合於天心下亦孚於士論方之歷
代最曰良規臣以迂愚幸於際遇出入承明者踰二
紀周旋兩社者幾八年以 陛下聽德惟聰豈不察
臣之尊主庇民之學以 陛下知人則哲豈不監 臣
非助天理物之才特緣備使於機庭茹俾序遷於宰
路寵雖至矣 臣實懼焉伏望 皇帝陛下深軫睿恩
恪遵家法不輕命相惟務掄材况元輔處中足副仰
咸之意而舊人在外適當圖任之時徐觀奮庸亟許
遷令如此則計資顯授已彰徧愛之仁引分聽辭又
徇知難之義茲為兩得必契群情臣無任云云奉御
寶批降批答不允

批答李獻撰

省表具之樞極之任統幹萬兵鈞衡之司揔揆庶事
夙均列於政地茲進登於宰庭所以疇其成勞昭我
隆眷矧文武萬邦之憲允謂全才而夙夜宥命之基
迄臻美業爰擢升於右弼用誕告於外朝所宜即副
巖瞻共熙庶績何巽章之疊上乃渙號之久留且機
務至繁要使一日二日而無曠今謙辭已過豈勞再

命三命而益共其若予言亟祇乃服所辭宜不允

第二辭表

臣某言伏蒙 聖慈以 臣上表再辭免新授右丞相
恩命特降中使賜 臣批答不允者麻卷初宣敬上懇
還之奏詔函疊不欽聆趣拜之言審未副於僉諧顧
敢忘於頻巽 臣其中謝 臣竊以宰庭當否國勢重輕
四海皇皇旦居中而枕奠萬機業業臯在右而績凝
後暨漢唐之朝雖慙帝王之輔然猶蕭曹同心而鴻
業定房杜相濟而泰階平矧逢大有為之時難用小
有才之佐 臣之不肖衆所共知攘桶豈棟梁之材餅
罍非鼎鼐之器叨蒙睿獎久綴近司趨事赴功已愆
於筋力立經陳紀有乏於智謀固嘗面乞於守邊何
敢自期於當軸倏膺選任殊駭聽聞諸大夫皆曰賢
上當採國人之論一男子即得相寧不貽使者之羞
儻昧牢辭將干大戾伏望 皇帝陛下如堯之咨四
岳如舜之命九官與其因績用弗成始從易置孰若
及賢和相遜即賜允俞下可遂於身謀上亦全於國
體黷尊之譴伏地以湏 臣無任 云云 奉
御寶批降批答不允仍斷來章

批答李獻撰

唐益公文集卷之七
省表具之卿以高明醇正之資貫通古今懷誠秉節
表勵庶工自長西樞宣勞滋久乃進登鼎席弼予一
人朕志已定人望已孚而抗章三至懇辭彌確且在
漢制太尉相尊等耳今宥密領使蓋太尉之任則揆
路之進抑何辭焉卿其協圖政理同緝化機迄有殊
功是為美報謙遜之節固所嘉歎而非所期望於卿
也其止奏封勿復未上所辭宜不允仍斷來章

謝表

臣某言伏奉 制命授 臣 光祿大夫右丞相加食邑
一千戶食實封四百戶累具辭免伏蒙 聖慈特降

中使賜 臣 批答不允仍斷來章者聖主選賢久茲弄
印愚 臣 該輔忽爾揚庭懇避無從欽承有覩 臣 某中

謝 臣 伏以虞書二典若都若俞說命三篇或啓或沃
惟言聽計從而罔間則道同志合而愈光若乃元首
既明而股肱非其良巨川將濟而舟楫違於周是謂
君唱而 臣 莫應上行下弗隨此舜帝所以博詢於惠
疇而商宗所以遠求於審象伊昔攸重厥今敢輕恭
惟 皇帝陛下躬上聖之資纂中興之緒有緒推萬
世之志有奄旬八荒之心當得異才共陪休運而 臣
性迂識暗意廣術疎使之報槩懷鈔尚容疆勉試以

唐益公集卷之七
處中當軸豈所堪任簡擢誤加見聞交駭雖播告已
難於反汗而兢危殆甚於臨淵將何以仰副延登下
酬貴望臣敢不圖惟薄效跂慕前脩庶績成熙深念
允釐之義一夫不獲常懷愧恥之思冀竭涓埃少裨
海嶽臣無任

謝太上皇帝表

臣某言伏奉 制命授臣光祿大夫右丞相加食邑
一千戶食實封四百戶有常立武夕陪帷幄之中應
變守文躡晉廟堂之上顧籌前之曠職恐歇後之貽
議臣某中謝臣竊考中興以來號為多士之際作成

有道任使無遺宏材既顯於當時後覺復貽於今日
如臣不肖被遇有初自忝綴於下科即召居於左學
旋繇麟省分察鳥臺蒙拔擢之殊恩勵公忠之素守
逮受知於聖主滋竊位於要津楊歷禁塗周旋政地
龍韜豹略已叨兵柄之持鳳閣鸞臺更冒國均之秉
莫容遜避徒劇凌兢茲蓋伏遇尊號皇帝陛下德冠
百王仁涵萬國巍巍蕩蕩雖勲業之弗居濟濟翔翔
猶賢能之在念是容蹇淺亦玷弼諧臣敢不勉殫千
慮之愚圖報兩宮之造舉十六相舜功知廣於堯心
為八千秋椿壽頌符於莊頌臣無任

周益公文集卷之七
辭免兼職劄子

臣准省劄二月二十二日奉聖旨差臣提舉國史院
提舉編修國朝會要所提舉勅令所寵靈參集恐懼
交深臣竊以筆削二書該古今之德業討論三尺垂
中外之章程苟非其人疇與斯事而臣最為冗陋積
幸遭逢蚤並英遊蓋婁窺於石室晚陪政路嘗同典
於金科茲甫踐於中台乃兼分於衆職自知忝冒人
且譏訶仰冀聖明俯垂簡照加大名而修史特容
李泌之辭定成法以寧民專倚蕭何之講毋使提綱
之任重為竊位之羞冒宸嚴臣無任云云取進止

不允詔倪思樸

勅某云云具悉朕登崇弼臣總領庶寮謀謨得業分
疇左右之賢典策章程兼攬古今之誼卿學該論類
識貫本元茲奮庸於宰庭爰帥屬於史觀載統皇網
之纂述仍提邦憲之刊修職並萃於貞儒望益孚於
衆雋自盼有命實振斯文觀故事而條便宜更酌方
今之要務先遠業而奏寬大尚恢一定之良規其略
謙辭以舒賢蘊所辭宜不允

因陳賈論王謙待罪劄子五月

臣叨被恩擢之初輒循舊例薦引王謙豈謂弗協公

議致有論例在臣不能旁招俊又仰誤召命無所逃
刑昔元祐宰臣因薦館職失當具奏自刻輒緣斯誼
仰瀆聖明亦不敢居家待罪以動觀聽伏望出自
睿斷特賜貶降少懲謬舉尚圖後效以贖前愆伏取
進止奉

御批降詔不允

不允詔 李嶽撰

勅某云云具悉卿懋闡賢猷進持國秉甄收衆善總
理庶工比於輔相之初嘗有薦揚之奏志本期於得
士誼實見於首公雖繇噴室之言宜停促召然在宰
庭之任要務廣求固無可引之愆難徇所陳之懇即
承予意益奮厥庸所乞宜不允

夏旱乞罷政劄子六月

臣仰惟陛下日勤政治昭格天心累載以來時和歲
稔自臣備位東府即致旱祥傳說之霖德裕之雨臣
實有愧公言謂何況臣才輜望輕素乏相業雖微災
眚自合黜幽伏望聖慈即賜罷免庶寬宸慮復見
豐年伏取 進止奉

御筆批降詔不允

不允詔

勅其云云具悉彌月以來常賜為沴並走群望未格
山川之靈敬共明神莫回天地之意朕側身思咎拊
已興嗟皆繇庶政之失中敢以青災而移下卿等望
崇亟弼忠輔國家方資益講於闕遺詎可輕圖於去
就六事自責已愧成湯之暮三公免歸難循衰漢之
典亟安厥位以邇遠猶所請宜不允

第二劄子 不魯付出

臣一介庸虛蒙 陛下簡擢最蚤其於補報乃獨欽
然自儀政塗闕日滋久容容備位既無以仰裨 聖
圖又不能脩明政刑寃宣職業少副中外之望積為
繆盩上干陰陽之和致茲旱災見於登用之始 意
明甚人情可知兼 臣近者自劾謬舉盖嘗面奏未敢
因此決然引去只候一兩月間別伸懇請今緣閔雨
歲事可虞上下嗻嗻咎將誰執事既奏會豈容復留
伏望 聖慈斷以不疑即賜黜免應天以實專在此
干黷宸衷 臣無任戰灼俟命之至伏取 進止

乞罷政表

臣言近以雨澤愆期乞賜罷免伏蒙 聖慈特降詔
書不允者君德方隆宜多樂歲相才弗肅乃若常賜
抗章恭俟於嚴誅賜報尚循於曩典敢避黷尊之譴

周文憲公集卷之七
三十一
荐陳引咎之辭臣某中謝臣聞古有三公今為四輔
實任變調之責匪資期會之勞若登庸皆得其人則
嘉瑞必為之應唯時盛夏久渴甘霖寧丁我躬上聖
屢勤於精禱焉用彼相微臣難追於常刑伏望 皇
帝陛下仰測天心俯稽朝論勿以前日詔除之誤而
忘異時策免之規別求英協贊邦治三時不害銷旱
災於頃刻之間九叙惟歌洽和氣於堪輿之內臣無任
不允詔

勅某 云云 具悉朕臨御以來惟民是念顧九夏亢陽
之沴歷日彌長撫一時咎證之深遇災而懼天地弗
臨於請禱神明莫監於精誠維歲事以堪憂當夜分
而屢歎卿等夙繇公望服在台庭覩茲膏澤之愆荐
控免章之懇一人有過豈宜移實於大臣九叙惟歌
所冀力行於善政亟其反室毋或贅言所請宜不允
不得再有陳請

再同王丞相黃叅政乞貶降劄子

臣等輔政無狀致茲旱災上無以寬九重之焦勞下
無以弭百姓之咨怨連章請罪恭俟汰斥豈謂 陛
下海涵天覆曲示眷留慙懼兢惶進退惟谷伏見
仁宗皇帝慶曆七年嘗因久旱特從宰執陳執中宋

唐文苑英華卷之七
三
庠丁度降官之請載在國史為後世法今陛下縱未許臣等同時遽去欲乞稽用舊章並加貶降不惟默當天意抑可少塞人言伏取進止奉御批早曠為懼晨夕是憂弭災方賴於嘉謨貶降難遵於故事母勤爾請用副朕懷

再乞罷政劄子

臣伏見夏秋以來旱勢日甚陛下齋心祈禱靡神不宗凡可以施惠恤刑求言損己無所不用其至宜乎順氣協應霈為膏澤然雲方族而復散雨欲下而還止禾稼就稿井泉將竭變異如此殆必有由非臣輔政無狀陰陽弗和之明驗歟前月二十一日嘗具奏旱災見於微臣登用之始天意明甚特施威斷亟賜罷斥庶幾人心悅而時雨降不至尊勞聖慮抑可少塞公言干犯威尊臣無任戰栗俟命之至伏取進止

辭免生日生餼劄子

臣伏見連月以來雨未時若苗稼就稿群情嗷嗷陛下禹湯臯已至損內養之常膳臣輔政無狀方僣嚴誅竊恐有司以臣日近初生例頒生餼夫常袞辭賜饌於無事之際而微臣拜臺饋於貶食之時於義

難安豈容饗饗伏望 聖慈特蠲常禮俾道空餐仍
加絀削以塞災咎干黷宸嚴無任戰汗之至取 進
止奉御筆批依所乞

同王丞相黃叅政乞減俸劄子

臣等伏見 皇帝陛下以時雨愆期憂勤備至減膳
徹樂聖心焦勞 臣等燮調無術致此災沴 陛下縱
未欲行罷免猶當貶秩以懲失職前既控請未蒙賜
允今復再旬旱勢轉甚夙夜震懼益不皇寧儻 陛
下尚俾自詭後圖且乞將 臣等月俸餐錢並從減半
支給庶幾薄示警戒以弭天災迄用有年未必不繇
於此伏取 進止七月十四日奉

御筆批依所乞

辭免復俸劄子

臣猥以非才過尸榮祿伐檀之刺每愧于中比緣旱
災乞減半俸今方踰月未贖前愆詎意洪私亟令仍
舊戴恩深重省已兢皇方與攸司協圖荒政民無艱
食乃敢復常願俟未春欽承 聖意 臣無任惶懼俟
命之至伏取 進止

不允詔 李獻撰

勅某 云云 具悉時會亢陽憂形巖廟嘗覽勞謙之請

周益文忠公集卷第七
姑從減俸之誠曾靡踰期遽能銷咎繫弭縫之宣力
竟燮理之召和且咸亨天心久復膳羞之御而散無
友紀幸寬餼賜之調迺泊于茲俾還其舊何勤列奏
更俟末年若早歲之作霖要共圖於澤潤馭群臣而
曰祿顧敢後於朔諧其體深衷母煩多遜所辭宜不
允

賀東宮生辰劄生

某茲者共值皇太子殿下誕序戴臨仰惟福壽兼
隆與天同永而况兩宮交致慶禮是誠前代所稀某
夙被恩怜今復密依重潤雖不獲與僚寮展拜于庭
顧野芹致敬安敢虛拘輒忘進越僭具別紙伏乞合
慈俯賜矜恕某下情無任頌禱慙懼之至

歷官表奏卷第七

周益文忠公集一百二十九 歷官表奏卷第八

淳熙十五年

辭免謚冊寶行禮支賜銀絹劄子

三月 日同諸廳

臣等準奉上謚冊寶行禮支賜銀都大主管所傳奉
聖旨以臣等告廟奉上兩節次各賜銀絹臣等恭
惟先皇厭世支費不貲陛下聖孝通神務隆追

遠臣等忝備近列誼當體國縱未能少捐俸入仰助

職金豈容冒膺厚賜况茲恤典異乎慶禮臣等決不敢祇受伏望 聖慈亟行寢免臣等無任祈天俟命激切屏營之至伏至 進止

攝大傳持節前導太上粹宮量帶激賞庫官會稿設劄子

臣被 旨前導太上粹宮過江止關借奉使印一面并帶禮房五人使令五十餘人既不曾有所申請即無借請批支恩賞之類恐到 攢宮稿設人匠等於事体或不容免已令激賞庫使 臣量帶官會前去謹具奏知伏乞 睿照

光克粹宮發引慰 皇帝表

已下攝大傳從粹宮同諸使

臣某等言今月十八日恭導 聖神武字文憲孝皇帝靈駕發引者賓天浸久遠日俄臨儼縞仗以前陳指禱江而利涉 臣等誠哀誠痛頓首頓首伏惟 皇帝陛下邁周達孝如舜慕親已邁執妻之驅未弭割繩之痛尚祈寬釋以幸邇遐 臣等無任瞻天望聖激切屏營之至謹奉表陳慰以聞

慰 皇太后牋

臣言某等今月十八日恭導 聖神武文憲孝皇帝靈駕發引者厥儀夙設法仗載嚴背宮苑以徂征隔

烟波而少駐臣等云云伏惟皇太后敕下至哉坤
載痛此天傾念五紀之順承忍一朝之變故願寬聖
性永著母儀臣等無任激切屏營之至謹奉牋陳慰
以聞

慰 皇后牋

臣某等言今月十八日恭導聖神武文憲孝皇帝
靈駕發引者龍胡滋遠悲莫迄於慈宮鳳綽啓行悵
暫留於近岸臣某等云云伏惟皇后敕下道隆周妙
德協虞賓文宣盥饋之勞方助聖明之孝願循至理
少抑哀悰臣等無任

光堯梓宮到思陵攢宮安寧奏狀

右臣等恭導聖神武文憲孝皇帝靈駕今月二十
二日已達永思陵攢宮安寧者八翼徐行百神祇護
奉輜車而戾止瞻陵阜之巋然欽惟慈皇獨享至養
富貴尊榮之樂歲月彌長康寧壽考之祥古今鮮儷
茲陟乘雲之御將臨甫窳之期出城闈則景霽而月
升渡浙水則風和而潮應豈非人力實契天心此蓋
皇帝陛下躬舜禹之資邁參騫之行宅恤雖居於宮
闕懷思每實於川塗繫次舍之無虞皆孝誠之有感
臣等猥叨官使何補司存想聖慮之少寬與群情而

胥幸瞻望 宸矣臣等無任激切屏營之至謹具狀
奏聞謹奏

慰 皇太后牋

臣某等言恭導 聖神武文憲孝皇帝靈駕今月二
十二日已達永思陵攢宮安寧者羽衛惶惶共隨仙
仗佳城鬱鬱甫達初陵臣某等 云云 伏惟 皇太后
殿下輔佐功高慈仁道備位方隆於儷極痛乃隔於
終天願抑哀思獨膺至養臣等無任激切屏營之至
謹奉牋陳慰以聞

慰 皇后牋

臣某等言恭導 聖神武文憲孝皇帝靈駕今月二
十二日已達永思陵攢宮安寧者殿虛德壽莫返於
容車陵揭永思初停於晝翬臣某等 云云 伏惟 皇
后殿下柔明蘊質愛敬存心久佐餒以驩然茲過宮
而戚若尚靳寬釋庸輔皇明臣等 云云

三月二十四日奏

臣等到永思陵已三日陰雨連綿乃春夏之常前者
在塗特然晴霽聖孝照格蓋可見矣即日恭惟 聖
躬萬福臣等謹此伸候起居伏乞睿照

三月二十七日奏

臣等不侍 天顏已經旬浹恭惟 聖躬萬福謹上
問起居謹奏

思陵掩攢慰 皇帝表

臣某等言今月三十日 聖神武文憲孝皇帝攢宮
掩皇堂禮畢者稽陰地勝陵邑天成丘統四蛇居切
帝鴻之畏勢如萬馬允符郭璞之占大事克襄淵衷
永慕 臣某等誠哀誠痛頓首頓首伏惟 皇帝陛下
誠深繼志禮厚崇終三載衰麻正百王之墜典五詩
稅餞感萬姓之悲心茲甫畢於因山諒興哀於陟岵
願副含生之望少寬罔極之懷 臣等無任激切屏營
之至謹奉表陳慰以聞

慰 皇太后牋

臣某等言今月三十日聖神武文憲孝皇帝攢宮掩
皇堂禮畢者六紼引輶甫諧衰事九虞發軔初導靈
威念永闕於梓宮諒增悲於椒殿 臣等 云云 伏惟
皇太后歿下夙推厚德久播徽音西晏瑤池莫返穆
皇之駕東朝長樂方隆漢后之儀願紓慈壺之過哀
永受聖君之至養 臣等無任激切懇祈之至謹奉牋

慰 皇后牋

臣某等言今月三十日 聖神武文憲孝皇帝攢宮

掩皇堂禮畢者地鄰禹穴土復堯陵繫聖孝之加隆
諒柔衷之胥惻臣等云云伏惟皇后殿下協宣陰
教夙著婦儀當九錘之告成偕兩宮而永慨方勤內
助願抑至情臣等無任

乞導從 虞主還

行在奏

同總護禮儀儀仗鹵簿橋道頓遞使奏

臣等準尚書省劄子備坐禮部太常寺狀三月三十
日 聖神武文憲孝皇帝梓宮掩攢官畢所有攝太
傳總護使以下行事官即便回程三月十六日奉

聖旨依臣等檢照本朝故事山陵等伍使係隨 虞

主還京紹興十二年 徽宗掩攢之時緣紹興七年

先已立虞祔廟總護使以下所以徑赴行在至紹興

二十九年顯仁皇后掩攢誤用紹興十二年變禮今

未 聖神武文憲孝皇帝虞主在塗事體不輕臣等

欲參酌典故導從渡江比之徑回止爭三日餘行事

官自遵已降旨揮先回於義為允伏取 進止奉

聖旨依

謝傳宣撫問并賜銀合茶藥狀四月

右臣伏蒙 聖慈特降中使傳宣撫問并賜臣銀合

茶藥者堯陵送往魏闕勞還寵之尉藉之言貳以珍

良之賜拜恩深厚揣分兢慙伏念臣祇率故常慙從

行役繫懋隆於聖孝致昭格於天心况親賢宣總護之勞且郡邑勵恪承之志禮無違者臣何力焉伏遇皇帝陛下至德奉先深仁待下既克褒於鉅典庸加惠於庶工不遺尸素之臣亦溥龍光之施莫知報塞惟誓糜捐臣無任感天荷聖激切屏營之至謹祿奏謝以聞謹奏

未敢乞對劄子

臣等訖事歸闕今早已放朝見竊恐親行三虞聖心惻楚未敢乞對恭俟奏事日分俯伏榻前控叙悽悽之情仰乞睿照

辭免 德壽宮銀絹劄子

臣昨於三月十七日準主管支費所送到德壽宮遣奠奉辭發引二節次銀絹六百疋兩日子道緣臣未得俯伏控辭是以不敢支請今早登對亟露危懇蓋緣昨來奉上 聖神武文憲孝皇帝 憲節皇后冊寶已叨錫賚自不應重疊冒受厚賜曲蒙 聖慈諒其誠請許以辭免所有日子謹用繳進乞降付支費所照會毀抹取進止

求去劄子四月

臣輒披悃幅仰瀆 聽聰臣以非才久塵二府適虛

次輔遂預政機望實素輕衆所不與涖職伊始即因
薦士被沮臣忝備近弼惟當助成臺諫敢言之氣不
敢有所紛辨蓋嘗奏知少俟數月即謀引去偶緣去
年閔雨繼以高宗變故逡巡苟且忽爾踰年方欲
力伸前請又值首相馮外臣驟以疎率猥尸大任曉
夕憂懼自知必致人言昨日果有臺官文字覺察大
理司農除授非宜夫相業惟在進退百官而臣進擬
之初便致論列若復頑然不顧廉恥包羞竊位繼此
別有彈擊必將倍費保全又况旬日以來雨意慳甚
繇臣諒薄再召旱祥衆情嗷嗷誰執其咎夫人王之
職專在論相欲知相之賢否惟視人心天意如何今
臣自蒙擢任每為公論所非連歲之間兩賜罕曾協
序天人之際亦可推矣伏望陛下收還印綬許奉外
祠仰成員才庸贊聖治自然衆志孚而時雨降非獨
微臣獲免大戾抑天下幸甚干犯威尊臣無任戰栗
俟命之至取進上

辭免提舉編修玉牒劄子

臣准尚書省劄子五月二十二日奉聖旨差臣提
舉編修玉牒臣欽承恩渥增震孤衷伏以紀謨烈以
示後人繫本支而綿百世鏤牒本繇於唐代成書獨

備於聖朝粵自中興尤嚴故實雖承之或容於次輔而提綱當俟於元台豈伊具臣堪此衆職矧有僚之不瘳在虛次以何嫌仰冀皇明俯昭愚悃免與聞於大典姑曲徇於小廉冒瀆天威臣無任戰栗俟命之至伏取進止

不允詔

勅具云云具悉朕承祖宗之休尊典則之懿矐寶牒之所勒與史冊而並驅業盛功崇必謹儒紳之載筆事宏体重要勤揆席之提綱乃咨弼亮之英俾總纂修之緒惟板文而作一藝勉率乃寮則錫羨而符三皇永垂厥後方茲倚矐奚用懇辭所辭宜不允

再辭免劄子

臣近蒙聖恩差兼提舉編修玉牒嘗具辭免伏奉詔書不允臣以曾懷乘衡史浩趙惟王淮任右相日皆兼此職又參知政事留正見同提舉詳定勅令蕭燧權監修日曆事體適均臣所以不復固辭然亦未敢祇受勅命今覩已降指揮用紹興三十一年故事省罷勅今所則是留正別無兼適而臣已自提舉國史院會要所若猶兼領理有未安欲望聖慈改差留正權提舉編修玉牒庶得允當伏取進止

淳熙十五年

明堂禮成同宮僚賀 東宮劄子

某等茲者伏覩大禮告成 聖君受祉恭惟 皇太子殿下竭誠清廟致敬貳觴協修上儀均惠四海某等未獲躬詣宮庭下情無任瞻仰頌詠之至

謝封齊國公表

臣某言伏奉 制命封 臣齊國公加食邑一千戶食實封四百戶者配天其澤溥均汶上之釐裂地而封

首賜濟陽之履逢辰有幸揣分無堪 臣其中謝 臣竊

以徧秩群神莫嚴宗祀肇分五等實重公主當 聖君不憚於親共祈宜百辟咸思於職助而 臣學情九

筵之制位叨兩社之間猥備相儀甚慙該輔拜恩綸而徼福啓封國以知榮茲蓋伏遇 皇帝陛下誠格

顯幽仁周品物謂天地祖宗之並况已敷錫於 臣民

則股肱心腹之同休宜申加於爵邑是推洪施罔間素餐 臣敢不仰服龍光俯殫駑鈍感鬼神而閭通今

雖愧於博聞技輿地之圖復古尚期於親見 臣無任

謝 東宮牋

某言伏奉 制命封某濟國公加食邑一千戶食實封四百戶者相禮親祠幸免周南之歎敷綸禁苑榮

加濟此之封恩厚不貲感深無藝其中謝竊以歲儀
三歲今古之彌文均福萬方國家之盛德兄預駿犇
之列率先賚予之豐如某者獲際昌辰叨塵近弼初
之毫之補俶開百里之邦雖潤澤之溥施在孱庸而
獨愧茲蓋伏遇 皇太子殿下聰明仁孝恭敬溫文
重屋貳觴儼進陪於陟恪繁機參決居密助於厲精
眷乃舊僚破之新渥某敢不深思遇合勉竭贊襄受
宣室之釐此日固慙於前席賜齊侯之昨他時猶冀
於歸疆某無任

辭免加恩正謝日禮賜劄子同執政

臣等恭大禮告成蒙恩各加封邑無功受寵慙懼罔
措虔遵近 詔不敢陳免今欲未日祇受 告命二
十八日入謝所有例賜衣帶鞍馬非惟已需賚予不
應重為廐庫之費兼 臣等帶佩鞍韉既未仍舊亦難
拜賜於庭伏望 聖慈權許寢免一次庶安愚分稍
協於禮伏取 進止

御筆批依

乞去劄子

十一月初四日上宣
論內禪寺事不許去

臣敬攄愚悃仰瀆 睿聰伏念 臣本緣涉獵藝文僥
覬祿仕不自意蒙聖主非常之知致身筆要年除歲

遷遂玷宰司物望不孚心常自歎蓋以性資淺陋非
大受之器舉措輕率非任重之才皆以未憂懼成疾
外猶勉疆中實衰疲雖荷陛下待遇優隆信任專一
偶未實於何譴然趾顛隄履人多為臣危之引退曲
折夙嘗具奏幸今國家間暇可以陳情伏况臣自還
從班于今十有四載叨塵二府又涉九年歷考在廷
鮮有如是之久者每見士大夫更迭補外未嘗不省
躬而愧也且漢文帝時周勃甫為相會遣例侯就國
辭不行即免勃以率之槩諸古誼臣今有請亦晚矣
伏望 聖慈洞察衷誠保全終始許解機政畀之外
祠微生苟未墮越它日誓死圖報干犯天威臣無任
震灼俟命之至取 進止

淳熙十六年

辭免左丞相劄子 正月八日

臣伏蒙 聖恩授臣左丞相仍降中使宣押赴都堂
治事臣驟聞成命凜無所措竊以左右置輔均為股
肱顛面正朝尤謹厥與是宜搏謀於搢紳參攷以夢
卜惟賢是用鈞築何嫌不當如庶府百司許以序遷
而倖進也如臣庸鄙加之懦弱初無才能術學可倫
官使特繇幸會誤被簡知周旋政塗殆且十載凡

陛下試臣者不為不久用臣者不為不盡而年齡晚
晚鼠枝易窮竊位素餐愧見班列比嘗求退未奉
俞音仲春再請之言已闕 睿聽敢期恩獎更冒超
遷譬如疲馬伏在廐櫪縱復益之芻秣嚴其鞭策非
特難於致遠抑將顛踣是虞此臣所以跼蹐戰兢辭
避不容於備禮也伏望 陛下推父母受憐之德廓
日月照臨之明與其用之過而納之罪戾之中孰若
察其情而措之安全之地收還渙渥少息危悚引分
歸耕嗣輸誠懇冒犯天威臣無任虔祈俟命之至取
進止

不允詔

勅某云云具悉上相之任總領百官惟德望足以尊
朝廷才量足以經天下乃膺倚屬以起治功卿命世
鴻儒高明特達自持國秉績用為多曩居次輔夙夜
究勤而庶政日新百度具舉既深契于朕心就陞端
揆蓋示褒崇曠章鼎來謙辭恭過非朕所聞也即宜
祇命益底殊功所請宜不允

第二劄子同

臣一介無取蒙 陛下待遇殊常致身輔相初無毫
髮之善可報萬一坐是兢畏過甚流於委靡徒以貪

憲 聖恩未忍決然引去忽聞宣制躡進左席宜黜
而遷方此惶惑暨讀訓詞有患失容身之戒臣心
飛越無地措躬蓋以孔子所謂鄙夫乃無所不至之
人車千秋之容身班固以彼哉銷之今乃使冒居元
輔朝夕左右將何以倡率百辟風示四方且中外臣
庶明知兩相制書抑揚不同在於人情寧免觀望往
者洪造固有此語隨即被劾蓋龜鑑也臣未日更不
敢入局候十一日榻前控陳懇款謹先具奏稟伏望
聖慈念其奉事之久閱其自處之難特賜矜體稍全
進退臣不勝萬幸干犯宸嚴臣無任戰慄俟罪之至

東宮劄子同日納

某伏覩今月八日

制書除臣

左丞相某庸愚無取

已試罔功誤被恩遷實踰分量已具奏控免欲望令
慈因視膳問安之際賜以一言庶幾收還成命安此
危衷某下情無任虔懇之至

乞去第一劄子正月十一日

臣輒傾肝膽仰瀆

睿聰臣

器資庸陋謨謀淺拙徒

緣翰墨遭際盛明歲月推移馴玷丞輔毫分莫効慙
負在中爰自去冬力求罷免 聖恩天大未賜允俞
即嘗面奏俟正二月間再伸懇悃必冀矜從今方款

陳述間忽被遷陞之寵周章失措如蹈淵谷若不亟
投君父慚遂夙心則祇受新命之後又須年歲乃敢
繼請非獨智力殫竭決無能為而有言不踐實鄰欺
誕為臣如此罪豈容誅伏望聖慈俯加憐察許臣
解罷機政授一在外宮觀差遣餘生儻或未泯誓圖
報於異日干犯威尊臣無任戰慄俟命之至取
進止奉

御筆批朕登庸元輔委任尤深遽上詞章實難從允
可降詔不允

不允詔

勅某云云其悉君臣之道相湏而成廟朝之賢益重

其選矧若鼎司之舊方加魁柄之崇期體此以欽承
曷翩然而引避朕登庸元輔委任尤深遽上祠章實
難從允宜即承於親詔乃克副於眷懷所請宜不允

第二劄子

十三日

御前遣人
批閱附奏

臣昨日陳乞罷政恭聆玉音謙諭過甚臣驚懼感
激未能畢其說而對班將引遂忽忽而退尋聞貼麻
批詔兩日之間三勤勅便宣押凡可以假借微臣者
無所不用其至在聖君優禮近列務存體貌可謂
重矣臣之進退所宜自審蓋以性資凡下本無輔相

之才非獨一聖鑑難逃詢之輿論莫不謂其當去是以自冬涉春每因留身必面奏此意忽叨除授義難安處乃敢決然有請豈謂眷寵殊常未賜聽允已上表陳乞而通進司得止不許收接恭俟十五日俯伏軒墀別伸請悃謹此附奏臣無任戰慄之至伏乞睿照

第三劄子

十四日

御前復遣人批問再此附奏

臣近累具劄子陳乞解罷機政授一在外官觀差遣特蒙聖恩三遣中使宣押仍傳旨令起朝參奏事在於恩禮可謂詳盡臣尚有曲折須至奏稟蓋措紳

間臣只知臣因八日制詞播告懷不自安然十一日初

至榻前陛下即宣宰執並前聖語諄諄備彰謙

抑臣兢惶失措感極涕零旋聞宣召詞臣改制謨訓

且復親批四句載之答詔昔熙寧中王安石因

詔書有士大夫沸騰黎元騷動之語辨數乞退神

宗皇帝止諭為文督迫之過今者訓飭乃與蔣希所

草洪适制並同恐是一時遣詞循因前例而陛下

聖語恩勤不止於為文督迫而已臣豈敢以此過疑

固執愚見但臣自去冬至歲除及今年正月五日四

留身其言臣本非輔相之才願備祠官少遣尸素此

則陛下所知而中外所未知也臣若未有遷除尚
可少緩今乃就陞元宰安得無嫌故官既不可居新
命又難祇受在臣進退之誼自宜力請即與前說不
相干涉仰惟 聖明必賜矜察臣緣章表無由校進
又有旨不許出門欲俟未早面奏深恐駕出難以詳
述謹先此附奏伏望 聖慈即賜處分疊犯 天威
臣無任戰懼俟罪之至取 進止

第四劄子

臣昨日再具手劄乞罷機政授一在外官觀差遣見
今踧踖俟命緣臣既難復居舊職又不敢祇受新命
進退無據心不皇寧欲望 聖慈速降處分臣無任
戰栗祇懇之至取 進止後因臺官上殿及翰林學
士李燾上云朕何嘗令
如此措詞遂降 旨與即明日將上乞除職名上

辭免左丞相表

臣某言伏蒙 聖慈以臣辭免新授特進左丞相進
封許國公加食邑食實封恩命特降 詔書不允者
登備宰司久當策免晉持魁枋條奉庭揚顛天陳不
稱之詞伏地拜弗俞之詔鴻私溥博孤跡凌兢臣某
中謝臣聞受才有洪纖賦質有良窳扶明堂者資梁
棟安用條枚薦清廟者湏鼎彝寧參瓦礫力不勝任

人將汝瑕伏念臣根闡材微斗筭器小際會光華之
旦追陪寅亮之聯罪切宜詔賞誅漫無可否賢鄙當
明黜陟殊惜抑揚觀已事之如斯豈後圖之足責敢
謂羣賢之進遽叨左席之除有次輔雖不備官職焉
何曠無成勞亦合賜位臣也胡顏為國計以牢辭非
身謀之獨審伏望 皇帝陛下謹於圖任監乃知難
外求巖穴之英內選朝廷之雋備居三事庸長百僚
遜于艾析伯與敢忘稽首有若魏叔闕天尚助迪威
從欲之仁鞠躬以俟臣無任

批答 倪思撰

省表具之魁柄之重疇咨惟難未得其人擇之貴乎
審已其選任之不復疑卿以大道格君心以至公宰
天下已試之効照然甚明非常之才用而未盡爰升
元輔式究遠猷乃於登庸之初遽欲引避而去開諭
已至懇祈尚堅在朕心則注意方深在物論則僉言
惟允及斯伯與固可遜未聞虞舜之必從魏叔闕天
雖曰賢視周公而弗及以是為說母乃太謙亟其祇
承副此隆委所辭宜不允

第二辭表

臣某言伏蒙 聖慈以臣上表辭免特進左丞相進

封許國公加食邑食實封恩命特降中使賜臣批答
不允者銀臺入奏力辭端揆之崇奎禁批章特屈王
人之重雖會承命抑懼瘵官敬陳確至之言疊冒穹
窿之聽臣某中謝聞位高者智愚難掩任久者賞罰
易行九載之績不成當從鯨殛三考之明弗陟孰底
舜功如臣無堪被遇最蚤越自嚴徐入列進陪夔契
之遊碌政塗殆彌七歲容容宰路仍涉再晷論其時
則已多責其效則何有未能引去姑俟汰歸今乃位
充元輔之久虛秩序文階之一品既殊試可又異黜
幽况故官不許復居而新命又為非據進退交違於
小諒勤懲將累於太公伏望 皇帝陛下旁獨忱恂
敷求俊傑貸妨賢之往咎審佐聖之良圖謂如髮之
引千鈞其誰云可因循墻而走三命亟報曰俞惰辭
已竭於肺肝察允尚收於綸綍臣無任云云奉
御批降批答不允仍斷來章

批答

省表具之朕念天下萬機之繁宵旰臨朝未嘗敢一
日怠也惟卿處輔弼之任實孜孜奉國夙夜勤彊總
領衆職朕以副意是用進之上宰益究所施而乃懇
避再三逡巡未就累日于此豈不少淹庶務乎往其

勵翼母復有陳所辭宜不允仍斷來章

謝表

臣某言伏奉 制命授 臣特進左丞相許國公加食邑食實封累具辭免伏蒙 聖慈特降中使賜 臣批答不允仍斷來章者次輔躡居久知非稱冢鄉序進彌愧罔功賜漢位以陞階假許田而胙土思高峙嶽惧甚履冰 臣某中謝 臣聞天以不言行四時賴回旋於六子君以無為成萬物資勵於四鄰繫上下之相須乃事功之克濟謀非常賚疇允民瞻如 臣者學昧通方才踈應務僥倖夙膺於簡擢選除徧歷於高華粵自登庸每虞曠職土疆尚隔魯何闕國之謀人力未蘇安得富民之策清不足革貪奢之俗直不足以移委靡之風而况燮調陰陽制作禮樂遠繼三謨之盛俯諧四嶽之咨退省其愚固慙斯道方懇斬於罷免乃誤被於超遷嘗抗疏以屢辭迄覲顏而祇拜茲盖伏遇 皇帝陛下聖神廣運功德兼隆有 臣三千已得同心之助舉相十六年觀熙載之能何取妄庸首陪弼亮 臣敢不深思忝冒力勉墮媮惟尹暨湯雖之格天之効安劉必勃向存念祖之心 臣無任

謝東宮牋

某言伏奉 制命授某特進左丞相許國公加食邑
食實封者選備宮端文戴密庸之造擢特魁柄更叨
序進之恩倣拜賜於龍墀即叙言於鶴禁某中謝伏
念某居慙翫馘素昧經綸偶逢亨嘉浸竊顯美自親
附於三善殆推遷於六年知憐既殊獎勵尤至賴褒
揚於黼宸俄參幹於鈞樞猥以小人之儒遂為天子
之宰衆譏而稱心識所從蓋魏相鍾繇賜釜本東宮
之眷而唐登從愿覆甌資儲極之言昔也耳聞今而
身見茲蓋伏遇

皇太子殿下功高監撫譽著參裁作新無間於群才
念舊不遺於一介肆頒邦渙交秉國成某敢不叙飭
九功總提衆職仰稽象緯顧顯面以非宜俯振朝綱
尚同心而夾輔某無任

辭免兼職劄子

臣伏覩今月二十八日已降指揮差臣兼提舉編修
王牒修國史日曆者任非所據愧不自勝臣聞百世
本支方慶源之有衍萬年壽考正鴻業之無窮雖筆
削屬在群英而揔提付之上宰儻其人之未稱寧厥
位之或虛如臣闕然何以堪此伏望 陛下念聖世
當嚴二典察腐儒素乏三長母專故事之循徐俟真

才而授丹衷斯罄淵聽必孚所有前件兼職欲乞
聖慈特賜寢免臣無任戰懼俟命之至伏取進止奉
御實批降詔不允

不允詔

倪思樸

勅某云云具悉朕嚴鏤牒以揚列聖之休謹汗簡以
紀當世之實纂修之職分命於諸儒綱領之權必歸
於上宰卿以造微之學貫道之文既擢冠於群工宜
併提於二史益攄賢蘊增煥皇猷條祖宗典則之
宜進而施於正舉朝廷事為之要退而筆諸書豈不
休哉無足辭者所辭宜不允

歷官表奏卷第八

